

# КОММУНАЛЕ СЮРЕС

Редакцилен адресэз: Поселок Балезино, УАССР, Советской ульча, № 9.

Дуныз 5 копейка

ВКП(б)-лэн Балезино райкомезлэн но райисполкомлэн органз

## Отчетно-выборной собраниослэн ИТОГЗЫ

Районамы первичной партийной орган'ёсын отчетно-выборной собраниос ортчытыса быдэстэмн. Отчетно-выборной собраниос вань первичной партийной орган'ёслэсь ВКП(б)-лэн XVIII исторической с'ездэзлэсь, Майской пленумезлэсь решениосэс уж вылын быдэс'ям итог'ёссэ эскерон улсын ортчиз.

Отчетно-выборной собраниос бад'зым критикаен но самокритикаен ортчытэмн. Со вера сое, что Балезинось партийной организация аслаз уженыз партилэсь но правительстволэсь пуктэм задачоссэ уж вылын быдэс'яны быгатэ.

Районамы 23 парторганизация, та парторганизациосын в а н ь м а з и к 25 февралэсь собраниос ортчытыса быдэстэмн. Собраниен 90 процентэз коммунист'ёс присутствовать каризы. Партийной организациослэсь ортчем уж'ёссэс критика улэ шедьтыса азыпалан ужаны конкретной ужрад'ёсты кутызы. Тужгес ик критика улэ шедьтэмн вал первичной парторганизациослэн беспартийной массалы, комсомоллы ужазы юрттэт сётмэтэзэс, "ВКП(б) лэсь историезлэсь Краткой курсэ" коммунист'ёсын ляб изучать каремзэс. Куд первичной парторганизациосын "ВКП(б) лэсь историезлэсь Краткой курсэ" изучать карыны кру-

жок'ёс кылдытэмн, кытын платной пропагандист'ёс ужало. Нош со кружок'ёслэн ужзы кулэз'я пуктэмн б'вл. Кылсярысь, пропагандист Волков ласянь трос пол кружок'ёслэн ужзы ас эрказ леземн вал.

Отчетно-выборной собраниос ортчем бере парторган'ёслэн выль руководящей составоз ужэз умоятоз шуса малпано луэ. Тросэз парторганизациосы секретаре н п а р т и й н о й у ж ы н ужамтэ калык'ёс, партилен бордаз будыса, руководящей составаз шедизы, кылсярысь, Максимов Валентин Васильевич, Касимов Зинат Валиуллин, Чиркова Нина Федоровна но мукет'ёсыз. Социальной положенизья — ужасьёс 5, колхозник'ёс 14 но служащойёс 5 мурт, национальностья удмурт'ёс 12, татар'ёс 6 но зуч'ёс 6 мурт. Соос п'льсь пиос'ёс 19 но нылкышноос 5 мурт партийной орган'ёсы секретаре быр'емн

Таос тросэз колхозной, советской но профсоюзной орган'ёсын руководящей интызын ужаса ульзы, озы ик осконо луэ партийной органн но вань хозяйственно политической у ж ' ё с ы н партилен XVIII с'ездэзлэсь но Майской пленумлэсь пуктэм задачоссэс соос умой быдэс'ялозы.

## Хозяйственно-политической уж'ёсты быдэс'янын парторганизацилен ролез

Отчетно-выборной собраниос возьматызы, что парторганизациослэн хозяйственно-политической уж'ёсты быдэс'янын рользы туж бад'зым.

Турецкой сельсоветысь первичной парторганизация аслэстыз ужэз нуналмысь хозяйственно - политической уж'ёсты быдэс'янын герза. П'ртэм мероприятиосы быдэс'ян дыр'я, парторганизация нырысь ик, со вопросэз аслаз собраниаз эскере но коммунист'ёсты колхоз'ёсы юнмат'я. Кылсярысь, тулыс кизён азелы дасьяськон'я ответственной коммунист Ивонин В-Юмыж но "Самопомощь" колхоз'ёсы юнматэмн, Тютин Василий—Петрошур но Н-Люк козхоз'ёсы юнматэмн, Демин—Б-Унтеи колхозэ, куд'ёсыз хозяйственной уж'ёсты быдэс'янен нуналмысь кивалто. Парторганизация колхоз'ёсы юнматэм коммунист'ёслэн ужамзы сарысь периодической отчетсэс кылскылэ. Со сына татысь парторганизация колхоз'ёсын активен, колхозной масса пушкын ужез уг вунэты, соосын умой герзаськыса ужа. Озы Турецкой сельсоветысь колхоз'ёс али сельской хозяйственной уж'ёсты умой

быдэс'ямзы но выль урожай басытэмзы понна районьсь переходящей Красной знамя басытэзы.

Озы ик парторганизация колхоз'ёсын массовой валэктон ужез но уг вунэты. Выль урожай басытонн котькудаз ик колхоз'ёсын ефремовской звеноос кылдытэмн, куд'ёсыз ас вылазы конкретной обязательстваосы басытыса выль урожай басытон понна нюр'ясько. Парторганизацилен али задачаез, чтобы Турецкой сельсоветысь колхоз'ёс ваньмыз 1940 арын Всесоюзной сельскохозяйственной выставкалэн участникеныз луозы, кудзэ татысь колхоз'ёс, безусловно, уж вылын возьматозы. Али соос тулыс кизёнлы дасесь ни. Тужгес ик котькыче уж'ёсын Чумбер'яг колхоз азьмынйсен луэ.

Соия чош ик татысь парторганизацилен ужаз тырмытэ азьёсыз но вань. Коммунист'ёс ляб изучать каро ВКП(б)-лэсь историзэ. Отчетно-выборной собрание та пумысен конкретной указани сёт'ыз, ма борды али коммунист'ёс умой-умой кутскизы" М. Тютин,

## Всесоюзной сельскохозяйственной выставкалэсь участник'ёссэ наградить карон

Сельской хозяйствозез жу-тонн бад'зымесь азинскем'ёсы понна но Всесоюзной сельскохозяйственной выставкалы тупатэм показатель'ёсты кык ар куспын—1937 но 1938 ар'ёсы мултэсэн быдэс'ямзы понна СССР-лэн Верховной Советэзлэн Президиумезлэн 20 февралё 1940 арын поттэм указэз'я СССР-лэн орден'ёсыныз наградить каремын Всесоюзной сельскохозяйственной выставкалэн участник'ёсыз.

Ленин орденэн наградить каремын 51 МТС-ёс, колхоз'ёс, совхоз'ёс, научно-исследовательской институт'ёс но мукет'ёсыз.

Трудовой Красной Знамени орденэн наградить каремын 69 колхоз'ёс, МТС-ёс, совхоз'ёс, научно-исследователь-

ской институт'ёс, опытной станциос.

"Знак почета" орденэн наградить каремын 113 МТС-ёс, колхоз'ёс, совхоз'ёс но мукет'ёсыз.

Орден'ёсын наградить каремын озы ик Удмуртской республикалэн одиг МТС-эз но кык колхозэз.

Трудовой Красной Знамени орденэн наградить каремын Удмуртской АССР-ысь Завьяловской МТС, Удмуртской АССР-ысь, Кулигинской районьсь, Тименской сельсоветысь "Стахановец" колхоз.

"Знак почета" орденэн наградить каремын Удмуртской АССР-ысь, Алнашской районьсь, Муважинской сельсоветысь, "Первое Мая" колхоз.

## Всесоюзной сельскохозяйственной выставкалэн участникеныз луомы

В-Юмыж колхозын туэ ефремовской звено кылдытэзы. Соны ю кизыны 15 гектар участок выс'ямн.

Ефремовской звеноын ваньмыз сизыым мурт ужало, куд'ёсызлы звенолэн планэз'я ужаны нимчстыз обязанность люкылэмн. Ефремовской звенось ужасьёс тодо ни кыче удобрениез, кыче культура улэ поттоно. Озы минеральной кьедан али ефремовской звенолэн участказ 32 центнер поттэмн ни, вить центнер пень люкамын. Тулыс кизыны потыны сельхозинвентарь но машинаос туннэ поттоно кадь дасьтэмн. Ефремовской звеноэн К. В. Симаков эш кивалтэ.

Турецкой сельсовет кылем ар'ёсы сельскохозяйственной уж'ёсты умой быдэс'ямез понна райисполкомен присудить карем Красной Знамяз

басыт'ыз. В-Юмыж колхозысь колхозник'ёс но колхозницаос районьсьтымы трудящей-ёсты оскыт'ыськом, что со Красной Знамяез киямы возён понна кужмо нюр'яськом.

Ефремовской звеномы 1940 арын етйнтэсь трестаз гектарысь бадэн 20 центнер, етйн кидысэ 5 центнер, тысё культураос'я чабейлэсь бадэн 20 центнер, йыдылэсь 23 центнер, сезылысь 22 центнер, зеглэсь 25 центнер удалтонлыкэс басытыны обязательстваосы уж вылын быдэстыса, В-Юмыж колхоз 1940 арын Всесоюзной сельскохозяйственной выставкалэн участникеныз луоз.

В-Юмыж колхозысь ефремовской звенолэн членэз—Турецкой сельсоветлэн депутатэз Г. В. Симаков.

## Туэ но выль удалтонлык понна нюр'яське

Кожило колхозысь 63 арес'ем знатной пересь стахановец Корепанов Иван Сергеевич аслаз колхозаз ефремовской звено кылдыт'ыз. Колхозын умой ужамез понна со 1939 арын Всесоюзной сельскохозяйственной выставкалэн участникеныз вал.

Иван Сергеевичлэн ефремовской звеноз дас мурт колхозник'ёслэсь но колхозницаослэсь кылдытэмн, куд'ёсызлы участок куинь гектар чабей улэ, вить гектар етйны вис'ямн. Соос обязательство басыт'ыз туэ выль урожай басытыны гектарысь етйнлэсь кидысэ 8 центнер, етйн-мертчанэз 10 центнер, чабейлэсь тысэс 30 центнер. Али соос участказы пазыны 10 центнер пень люказы ни.

Одиг-ог кыл колхоз правленнэ тырмытэ уж'ёсыз ся-

рысь но верано луэ. Колхоз правление конюх'ёслэсь ужэс прочсэ контролировать уг кары. Кылсярысь, старшой конюх А.Е. Корепанов конной дворе ёзкадь уг но вуылы, дырзэ пыр гуртаз юса но ма гинэ ортчытэ. Фуражной склад'ёслэсь устыон'ёссэ кияз возыса со кыкетй бригадалэсь вал'ёссэ гинэ умой сюдыны вутске, кылемезлэн бригадослэн вал'ёсы прочсэ аналтэмн ни, тужгес ик куиньметй бригадалэн. Колхоз правление нош сыче тырмытэ уж'ёсты колхозысь палэныны уг сюлмаськы. Кин право сёт'ыз старшой конюхлы вал'ёсты озы бригадаен вис'яса сюдыны? Тулыс кизён азелы колхозысь вал'ёс ваньмыз ик одиг кадь сюдымын но шутэтэмн луыны кулэ,

## Тулыс кизён азелы вал'ёсты тырлыко кароно

Кемалась б'вл колхозысь конюх'ёслэн районной совещанизы ортчиз. Отын отметить каремын, что районьсь-тымы тросэз колхоз'ёс вал'ёс'я тулыс кизёнлы дасесь б'вл на. Вожкыр, Лебеди, Такапи но мукет'ёсез колхоз'ёсын вал'ёсы урод утят-тэменызы восьтэтэсь. Озы ик фондовской вал'ёсты но урод утятло. Бурино но Балезино колхоз'ёсын нош РККА-лэн фондаз одиг валзэс но бз на сэтэлэ, со возьматэ, что татын но вал'ёсты утятлон уж урод пуктэмн. Вал'ёсты утятлон уж умой пуктэмн Тимошино, Р-Пибаншур но мукет'ёсез колхоз'ёсын. Татын вал'ёссы тулыс ю кизён азелы шоро-куспо тырлыкоесь вуттэмн ни. Азьмынйсь колхоз'ёслэсь примерзэс басытыса, колхоз-ёсысь конюх'ёс районной совещаниын вал'ёсты утятлонн бере кылёнэз палэныны вылысь аслазылэн вылазы конкретной обязательстваосы басыт'ыз:

1. Тулыс кизён азелы умой сюдыса, ваньзэ вал'ёсты шоро-куспо тырлыкоесь вуттоно.
2. 1940 арын одиг эрвалэз но, бизылысьсэ, ужпиосын-производительёсын покрыть карытэк б'вл кельтоно, солы понна дыраз дасьтоно ужпиосы - производительёс-ты.
3. РККА-лэн фондаз отлично но хорошо тырлыко вал'ёсты гинэ сёттоно.
4. Тулыс кизён азелы вал'ёсты дыраз шутэтыны пуктоно, солы понна али нрлэс дасян планэз тырмытон бордын кужмо ужано.

М. Григорьев.

## Дышетскисьёслы вал уг сётто.

Чиргино колхозысь, Балезино НСШ-ын дышетскись пивал'ёслы дышетскины мыныны конюх'ёс вал уг сёт'ыло. Дышетскисьёс конюх'ёс доры вал курыны мыноке, пивал'ёсты кулэгэм кыл'ёсын тышкаськыса улляло. Кылсярысь, конюх Кайсин В. И. 19-тй февралё дышетскисьёслэн пумитазы зёк мыжык-сэ сэзьяса улляз но пивал'ёс 2 час опоздать кароно луизы.

Дышетскисьёс.

\* \* \*

Таге ик ужпум Ванягурт колхозын но. Дышетскись пивал'ёс конюх'ёслэсь вал юало ке, соослэн вал'ёсысю дымтэ луэ на. Тани та приме-рысен ик ш'бдске тулыс ю кизён азелы ляб дасьлыксы но. Конюх'ёс вал'ёссэс ляб утятло.

Семенов

## Сюрес'ёсты толалтэ возён сярысь

Сюрес вылын ферганской методэн ужаны Кировлэн нимыныз нима колхозысь колхозник'ёслэн инициативазы районамы бадзым отклик шедьтйз. Соослэн Ижевск—Глазов сюресэз благоустроить каронын образцовой ужзы колхоз'ёсын соку ик подхватить каремын вал.

Озы но сюрес уж районамы али пумаз вуттымтэ на. Тужгес ик али урод ужпум сюресэз толалтэ возёнэн. Лымы пельтылон'ёс дыр'я сое дыраз уг сузяло. Тужгес ик урод возё аслэстызылэсь участоксэс Нурызово но Кожило колхоз'ёс. Нурызово колхозлэн председателэз А. Н. Князев сюресэз толалтэ умой возёнлы внимание туж ёжит вис'я. Солэн колхозысьтыз ужасьёс сюрес вылын нуналлэн шор сюлмаз гинэ ужало, соин ик соослэн участказы сюрес, Кестымен Туктымен вискын, лымылэсь автомашинаен ортчаны но уг луы. Таце ик ужмуп'ёс Кожило колхозлэн участказ но. 1

Юаське, малы сычесь луызы ужпум'ёс сюрес вылын? Нырысь ик выль верам колхоз'ёс сюрес вылын ужанэ

ферганской методэз ёз на кутэлэ. Кировлэн нимыныз нима колхозысь колхозник'ёслэн сюрес вылын звеноен-звеноен люкылыськыса ужом опятсы уже кутымтэ. Кылсярысь, Нурызово колхозысь колхозник'ёс сюрес вылын 35 мурт ог'я Чош ужаса нормазэс одйгез но уг тырмыт'яло, нуналаз соос ваньзэ 50 метр гинэ сузяса быдэсто, нош Шолоково колхозысь колхозник'ёс сюрес ужын звеноен-звеноен люкыськыса ужаменызы участоксэс сузяса сизым километрез нунал куспын быдэстйзы, озы соослэн участо кыстызы сюрес ялам чылкыт сузямын улэ.

Та пумысен доротдел ласяны но тырмытэос вань. Десятник Корепанов Нурызово но Кожило колхоз'ёслэн участказы ужез умой организовать карыны уг быгаты, ужасьёс пёлын со массовой валэктон ужез уг нуы, тужгес ик ферганской методэн ужом сярысь, Ужасьёс куспын сосоревнование организовывать карымтэ, ужлэсь мынэм ээ возьматысь доскаос уг ужало.

## Призывник'ёс оборонной значек'ёслы нормаосты сдать каро

Балезино селоын дышеткисысь призывник'ёс 20 мурт куасэн соревнование ортчытйзы но „ГТО“ значеклы нормаос сдать карызы.

Соревнованиын нырысь инты басытйзы призывник'ёс: Поздеев В.П., Бушмакин Н.В. но Калинин П. А. 10 километр мыныса, 58 минут куспын бертйзы. Озы ик мукет'ёсыз но призывник'ёс 8 мурт куасэн нормаос сдать карызы. Соревнование ортчытйз Дмитрий эш. Со сяна „ПВХО“ значеклы 90 процентэз „ВС“ значеклы 30,5 процентэз норма сдать карызы. Тужгес ик умой ыбылыськыз Кожило колхозысь призывник Волков

50 луоно очко, пёлысь, 48 очко ыбиз. Призывник'ёслэн мылкыдзы вал „Г.С.О.“ значеклы но норма сётыны, нош кружокен кивалтысь Лекомцев Р. И. 25-тй февралэ Балезино станице ветлыса, Берттыкуз туж шуныт но шулдыр вал котырыз. Соин ик призывник'ёс „Г.С.О.“ значеклы норма озы ик сётытэк кошконо луызы. Ми, призывник'ёс „Г.С.О.“ значеклы норма сётыны куриськомы.


Дышетскон чожамы 23-тй февралэ Балезино ИСШ-ын дышеткисысь призывник'ёслы нимысытыз постановка возьматызы.

М. Касаткин.

## Селькор гожтэт'ёс'я

„Юндаысь сепараторной от деленлэн заведующеез Корепанова йёл выльез но вёез вузаса но тус-тас карыса улэ“—шуса селькор'ёсымы гожтылйзы. Таце сигналэз масло-

завод эскерыса, факт'ёс змазы. Корепанова йёл лэн жирностезлэсь процентэ синтыса йёл выльен вуз карыса улылэм. Сычез ужез понна Корепанова ужысытыз поттымэн.



Суред вылын: Башкирской АССР-ысь Давлекановской МТС-лэн слесарез А. Д. Жуков, трактор'ёсты тупат'яны заданизэ вискарятэк 180—190 процентлы тырмыт'я.

## НАДЕЖДА КОНСТАНТИНОВНА КРУПСКАЯ

(Кулэм дырысеныз одйг ар тырмемезлы)

Одйг ар талэсь азыло, 27-тй февралэ 1939 аре, кудйз Надежда Константиновна Крупская, кудйз вал большевистской партилэн старейшой членэз, В. И. Ленинлэн ближайшой помошникез но другез, ВКП(б)-лэн ЦК-езлэн членэз, СССР-лэн Верховной Советэзлэн депутатэз.

Надежда Константиновна Крупская вордскемын 1869 арын Петербургы. Со будйз но воспитатя карыськыз революционной средаын. Егит-ныл дыр'яз ик Н. К. Крупская, 1890 арын, студент-ёслэн марксистской кружказы пыре. Сөбере со Петербургыны жыт школаын народной дышетйсь луыса ужа.

В. И. Ленинэн Чош со русской рабочей движенилэн кутсконаз сылйз, тюрьмаосты, ссылкаосты, эмиграциосты, испытать карыз. Ленинлэн кивалтэм улсаз, соин Чош,

Надежда Константиновна улытояз нуиз самоотверженной большевистской ужез. Советской властлэн vorme-мез-бере Н. К. Крупская наркомпрослэн коллегиезлэн членэныз назначить каремын вал, со дырысен со вискарятэк Наркоматын ужаз, берло улон дыр'ёсаз Наркомлэн заместителезлэн постаз ужаз.

Коммунистической просвещениын выдающей деятельностез понна Н. К. Крупская наградить каремын вал Ленинлэн орденэныз но Трудовой Красной Знамя орденэн. Солэн вань улэмез сётэмын вал Ленинлэн-Сталинлэн партиезлэн ужез понна, трудящейёслэн шудо улонзы понна, коммунизм понна. Миллионэн ляд'ясыкысь калык'ёс ноку но уз вунэтэлэ Надежда Константиновнаез, кудзэ котыртылйз калык бадзым яратонэн.

## Колхоз'ёсы ветродвигателен колодча

Колхоз'ёсын пудоослэн лыдзы йылэмен, отын кулэ луэ культурной водоснабжение но. Нош районамы троез колхоз'ёс вулэсь ёрмо. Сычез тырмытэ интыез палэн тыны понна, али колхоз'ёсын ветродвигателен буровой колодчаосты копалляло ни, куд'ёсыз колхоз'ёсты вуэн туж умой снабжать карылозы.

Туэ районамы буровой колодчаос копамын луозы Подборновын, Гординоын, Чуйя лудын, Такапиньын, Истишурьин но мукет'ёсаз колхоз'ёсын. Подборново колхозын сое копаны кугекизы ни, кудйз луоз лэсьтэмын мощностез'я 12 вал кужым'ем ветродвигателен. Ву жут'ян сяна со ветродвигатель борды лесопилкаез, вукоез тупатыны луоз на, озы ик соин кутса-сыкыны но луоз.

А. Малых.

## Колхозник'ёслэн зажиточностьсы но культуразы будэ

Шолоково гуртын азыло троез крестьян'ёс начар улэменызы кулак'ёслы медзасыкыса ужалызы. Татысь кулак'ёслы Михаил Кирилловичлы, Алексей Васильевичлы но Андрей Петровичлы крестьян'ёс араса но кутсаса дась нянез кенсазы кыстылйзы. Нош ужом понназы нуналаз 20-25 копейка уждун басытылйзы.

Прочэз мукет, Чошатонтэм луиз улэмзы али колхозник'ёслэн. Азыло быдэс гуртаз дышетскемез кыкен-куинен кез ляд'ясыкылйзы, али Шолоково колхозын неграмотность прочэз быдтэмын, ваньмыз быгато ляд'яны но гож'ясыкыны но.

Туэ 13 февралэ колхозник'ёс асыслэн коркаосазы радио шыртызы. Ваньмыз дас куинь корка радио пыртэмын. Табере газет ляд'дем сяна выль



Очередной приказез витёнын. В. Лисевичлэн рисунокез. Фото—Клише ТАСС.

## Франциын коммунист'ёсты преследовать каро

Париж, 22 февралэ (ТАСС). Соммалэн департаментэз тэн префектэзлэн требованияез'я Амьен городысь префектура-лэн советэз аслаз составысьтыз 21 муниципальной советник'ёсты — коммунист'ёсты поттиз.

## Ленинградской военной округлэн штабелэн оперсводкаез

23 февралэ фронтын номыр ик шодскымонэз ёз луы.

Карельской перешеекын бадзымез лымы пельтэм'ёс но куазь бус улэмен боевой действносты шуг карызы. Асьме частьёсын басытэмын противниклэсь 12 оборонительной укрепленной пункт'ёсез, соос пёлысь 4-ез железобетонной артиллерийской сооруже ниос.

Куазь жобен авиацилэн действностыз разведывательной лобан'ёсын гинэ ортчизы.

\* \* \*

24 февралэ Карельской перешеекын куазь туж жоба-мен но куазь улэмен боевой действносты нуны асьме войскоослы шуг карызы. Асьмелэн войскоосынымы фронтын басытэмын 28 оборонительной укрепленной пункт'ёс, соос пёлысь 12-ез желе-

зобетонной артиллерийской сооруже ниос.

Асьмелэн частьёсы бой нуыса талазы Койвисто (Бьерке), Тиурин-Саари но Пий-Саари остров'ёсты. Соос юн укрепить каремын вал железобетонной сооруже ниосын. Остров'ёсысь басытэмын 22 орудийос, соос пёлысь 12-ез (10 но 6 дюйм'ем) береговой башенный орудийос, полевой но зенитной орудийос, трос станковой пулем'ёт'ёс, боеприпас'ёсын но военной тырлыкэн склад'ёс.

Фронтлэн мукет участка'ёс аз шодскымон вошкон'ёс ёз луэ.

Куазь жобен асьмелэн авиацимылэн действностыз разведывательной лобан'ёсын гинэ ортчизы.

ивор'ёсты радио пыр кылско.

Али татын гектарысь быдэтысь культураос'я 100 пуд удалтонлык понна нюр'яскон вёлмытэмын. Татын ныль бригада пёлысь тямыс звено организовывать каремын, куд'ёсыз выль удалтонлык понна кужмо нюр'яско. Соос пёлысь тыс'ёе культураос'я но етйн'я звеноос ужало.

Татын озы ик колхозник'ёслэн арысь-аре зажиточностьсы, но культуразы шодскымон будэ.

С.Т. Иванов.

## РАЙОННОЙ СОВЕТЛЭН ДЕПУТАТ'ЕССЫЛЫ

Районной Советлэн Исполкомез ивортэ, что трудящейёслэн депутат'ёсылэн Бале-зинской районной Советэзлэн кыктэти Сессиез усытон туэ 9 мартлы выжытыське. Сессия усытыськыоз 10 часэ чулна парт кабинетын.

Райсоветлэн исполкомез.

Вр. редактора В.К. Дерендяев Поттись райисполком.

## 1939 арын уро кайысь хлебозакупез сдать карысьёслы

Балезиноысь райпотребсоюз ку-ре 10-тй мартозь зарегистриро-вать карыны ваньзэ квитанцио стэс, куд'ёсыз'я сдать каремын хлебо-закуп но басытымтэ вуз'ёс. Верам квитанциос'я вуз'ёс сётыськызы рай-потребсоюзлэн складаз. Вуз'ёсты сётонлэн дырыз 15-тй апрелёз, а со бере Райпотребсоюзэн но кычэ претензиос кутэмын уз луэ.

Райпотребсоюз.

## Парсь ышиз

Одйгетй Воегурт колхозысь колхозниклэн Князев Степан Трофимовичлэн 18 февралэ кык арес'ем парсез ышиз. Тодьы гон'ем, паллян пель йылыз ваньмын. Кин ке тодэ ке ивортэ.